

UCSI anjur persidangan pengukuhan kerjasama industri-akademik

Kuala Lumpur: Beberapa tokoh akademik terkemuka tempatan dan antarabangsa akan mengambil bahagian dalam Persidangan Pengukuhan Kerjasama Industri-Akademik (SIAP), anjuran Universiti UCSI (UCSI) di sini, esok (22 Mac 2016).

Sesi percambahan fikiran anjuran SIAP-UCSI dengan kerjasama Akademi Kepimpinan Pengajian Tinggi (AKEPT) itu bertujuan menghubungkan organisasi korporat dan Institut Pengajian Tinggi (IPT) bagi menghasilkan graduan yang serba boleh serta berciri keu-

sahawanan.

Antara tokoh yang akan hadir dan mengambil bahagian dalam persidangan kali ini, termasuk Naib Canselor merangkap Presiden UCSI, Profesor Datuk Dr Khalid Yusoff; Canselor UCSI, Tan Sri Dr Abdul Rahman Arshad; Pengerusi Royal Selangor International Sdn Bhd, Tan Sri Yong Poh Kon dan Pengerusi IKED dan IUET, Sweden, Prof Dr Thomas Andersson.

Selain itu, akan turut diadakan panel perbincangan dengan sesi pertama bertajuk 'Menghadapi Cabaran dan Pembinaan Siner-

gasi' dan sesi kedua bertajuk 'Persediaan dan Membimbing Bakat Baharu Dalam Pasaran Yang Sentiasa Berubah'.

Sesi pertama perbincangan ini akan disertai Ketua Pengarah Pendidikan Tinggi, Kementerian Pendidikan Tinggi, Prof Datuk Dr Asma Ismail; Ketua Pegawai Eksekutif (CEO) SME Corporation Malaysia (SME Corp Malaysia), Datuk Dr Hafsa Hashim dan Naib Canselor DRB-HICOM University of Automotive Malaysia (DHU), Prof Dr Garry James Clayton, manakala Prof Dato Dr Ahmad Ibrahim dari UCSI bertindak sebagai moderator.

Membabitkan tokoh terkemuka tanah air

Bagi sesi kedua pula, ahli panelnya membabitkan CEO Kumpulan KHIND Holding Bhd, Cheng Ping Keat; Presiden merangkap Naib Canselor Universiti Tun Abdul Razak (UNIRAZAK), Prof Datuk Seri Dr Md Zabid Abdul Rashid; Timbalan Naib Canselor (Akademik dan Antarabangsa) Universiti Teknologi MARA (UiTM) Prof Sr Ir Dr Suhaimi Abd Talib dan moderatornya pula Pengarah AKEPT, Prof Dr Mohamad Kamal Harun.

Majlis penutup persidangan akan disempurnakan Timbalan Naib Canselor (Akademik) UCSI,

Prof Datuk Dr Ahmad Zainuddin.

Persidangan ini yang akan diadakan dari jam 9 pagi hingga 6 petang dibuka kepada orang ramai berlangsung di Hotel Le Quadri bersebelahan USCI yang terletak di Taman Tayton View, Cheras, Kuala Lumpur.

Sebelum persidangan ini dimulakan beberapa sesi ceramah prapersidangan telah turut diadakan membabitkan beberapa tokoh terkemuka tanah air seperti Pengerusi Air Asia X Berhad, Tan Sri Rafidah Aziz serta Penasihat Sains kepada Perdana Menteri, Prof Emeritus Tan Sri Dr Zakri Abdul Hamid.